




世界各國

著名雜誌論文摘要



一四九

德意志與巴爾幹各國

金亞伯

原名 "Germany and the Balkans" 係 C. F. Melville 所著，載於一九三

六年十二月份之十九世紀月報內 (The Nineteenth Century and After,

Vol. CXX, No. 718)

作者於半年前，曾遊中東南歐洲，對德國將在巴爾幹稱霸之勢，已於本刊六月號「多腦河之危機」一文中論及之。最近舊地重臨，覺以前所得之印象，確切不移。當地情勢，雖經時事變遷，稍有更易，然大局一如往昔。即德之國勢，在巴爾幹日益強盛，而中東南歐諸國之歸附於德者，亦日漸增加。

109421
由東歐諸國觀之，德國外交，似屬勝利，但作者以為德國外交，但趨勢之樂觀而已，因主義上之衝突，為最近國際間發生之新要素，我人所

不可輕視者。今歐洲之形勢，殆將分為左右兩派（即蘇維埃主義派與法西斯蒂主義派），在西班牙內戰中已歷歷可睹。介乎左右兩派間之代議民主國家，所取之立場，雖未確定，然實際上德義提攜，右派團結，業已成熟，且該派之較強者，又為德國。

德義親善之告成，係義亞戰爭之反響。當東非戰事方酣之際，國聯主張對義實施裁制，及亞國敗亡，戰事告終，國聯對義所得之權利，又不予承認，故義大為不滿，祇得求好於德國。復以東非一戰，義國耗費過大，致無餘力剩資，以保持其中歐之領袖地位，故不得不以讓德。而德義對奧獨立，亦能相諒。本年七月十一日之德奧同盟，由是成立。此即歐洲左右兩派衝突之結果也。總之，德義合作之目的，在於平衡彼此在多腦河及奧大利之勢力，以避免暫時之競爭。然自戰略上觀之，德義合作，在義僅有短時之利益，在德可收長期之成效。

德義，與四國陣線，今已確立。荷德義之向外發展能並行不悖，則

109422 兩國互利之團結，可賴維持。一九三六年十一月十一日羅馬協定國（義、奧、匈）會議時，德國從旁贊助，蓋即德義團結之明證。今英義地中海交涉諒解，正在談判，若談判結果，未能離開德義，則德義之提攜，仍無變動。對三協約國，依然共存破壞之心，故三協約分裂之說，盛傳一時，然多屬謠言，未可盡信。因作者嘗三協約於潑拉蒂斯拉伐（Bratislava）會議時，曾親臨參加，並得與各要人晤談。潑城會議，三協約國一致議決任何問題，凡與三國互有利害者，則三國應協力以處理之；凡與三國利害各異者，則三國可自由處理之，並得於三協約外自由締結同盟或交

友。例如羅馬義亞以其石油交換南斯拉夫之銅產；捷克以其原料與戰具供給羅馬義亞為三協約互利者，故合力以圖其成。再如奧之復辟，匈之修改條約，為三協約共損者，故協力以反對。復如捷蘇同盟，南德提攜，及羅馬義亞之親德親義，為三協約外之交誼，故得自由結合。由是觀之，三國在多腦河以外之關係，似有伸縮之可能；而在多腦河與巴爾幹本部之問題，則三國須盡力合作。故德義之破壞三協約國，意圖擴張其勢力於巴爾幹也。

茲將德國在巴爾幹勢力膨脹情形，略述於後：首論奧國。德國在多腦河勢力膨脹最顯著之例，即為德奧協定之訂立。雖此項協定為保全奧國之獨立權而訂，不特為奧人所企望，奧總理許興納氏（Schuschnigg）自矜其能，即墨索里尼亦為之額手稱慶；然不知實際上奧國因此協定，而成德國侵略巴爾幹之工具矣。故作者嘗謂德奧協定在德有

長期之成效也。但此項成效應歸功於巴本（Herr Von Papen），因巴氏對其本國，則主張維持奧國獨立，使之成為「第二德意志民族國家」（A Second German State）；而反對武力歸併，以免惹起奧國各派之反抗；藉以助長其在中東南歐之勢力，增加其發展之機會。對巴爾幹各國，則又揚言：德奧協定已致奧之「復辟主義」於死命。於是南斯拉夫等國，因復辟問題，所存疑懼之心，從此冰釋。

自德奧協定締結後，許興納政府，因親德色彩較親義為濃，遂外而得避免德國國社黨之攻擊，內而得促成「奧大利主義」之實現，於是許氏在奧地位，更形穩固；史達漢堡之黨軍，亦盡被解散；全國軍隊，積極援助，為其後盾；奧國在政治上，經濟上，文化上之能確保其獨立，已昭然可見。但無論其內政如何之穩定，而其外交仍不免有親德之傾向。

次論捷克。捷克因地理上與軍事上之關係，故其政治上之中心問題，即為保障其安全。今國聯既無力維護弱小以抵抗列強，捷克不得不賴其同盟各國（如法、俄、及三協約等），以求安全。但蘇俄現正開發其國內之利源，一旦歐西戰事爆發，蘇俄是否將出紅軍，以助其同盟，尙屬疑問；是以蘇俄於捷克軍事上之助力，一時猶難揣測。且蘇俄之陸軍部長伐勞希洛夫（Vorishlov）與德國少數之軍部首領，尙有抱「德俄協調」（Russo-German Abmachungen）之幻想者。審如是，則德俄主義上之衝突，僅屬暫時，而非永久。或謂將來蘇俄攻擊德國時，捷克即為俄之空軍根據地，更屬無稽之談。

德政府曾向捷克政府聲明，倘捷克能放棄蘇俄，不再與之繼續同盟，則捷德間之懸案，便可圓滿解決。於是捷克之德意志蘇丹頓地方陣線黨 (Sudetendeutsche Heimfront Partei) 其首領為翰林 (Herr Konrad Henlein) 即向其本國政府，提出要求三項，其最要者以改變親俄為親德政策。但捷克政府因受現存條約束縛之關係，故未能遽行變更，且捷德關係與歐西相連，倘德法問題，能次第解決，則捷德問題，自易迎刃而解。

至德國對捷克之態度，目前德國決無攻擊捷克之意，亦無以武力奪取蘇丹頓之心。其所需者，即蘇丹頓之重要權利，須由該地之德人操縱，及捷克脫離蘇俄之同盟關係。蓋若是，則德國始可統治中歐 (Mitteleuropa)，再進而擴張其勢力至匈牙利及巴爾幹其他各地。

三論匈牙利：當干巴司將軍 (General Gombos) 秉政時，頗有親德之傾嚮。今新政府之政策，一仍其舊。匈牙利所持修約主義，向對捷克與南斯拉夫兩國而言。但現因德國袒護南斯拉夫，故匈之修約矢的，僅捷克而已。惟匈如以修約為多腦河各邦合作之先決條件，則與三協約國之經濟合作，殊難實現，遑論其他。

四論羅馬尼亞：羅馬尼亞自梯士勒斯哥氏 (M. Titulesco) 去職後，已一變其親俄而為親德之政策矣。羅馬尼亞西斯蒂黨之興起及反猶太運動之劇烈，皆可證明德國之勢力已伸張至該國。

末論南斯拉夫：南斯拉夫位於中歐及地中海之間，故為巴爾幹最

有力最重要之國家。南斯拉夫與義大利之關係，本為水火，故南有傾德之意。當墨索里尼侵奧最烈時，南斯拉夫對義，即存疑懼之心。當義國與師侵亞時，法國拉伐爾政府，對義表示親善，南斯拉夫並與法疏遠；今對法友誼，已漸修復，但仍無仇德之可能，以其與德商業關係密切，故仍有傾德之意向。至歐洲之左右兩派，南斯拉夫不願歸附任何一派。倘不得已時，則惟英國一派之馬首是瞻，蓋南英兩國，同為地中海之上關係國家也。但此派未必即能現實，故南斯拉夫暫時祇仍與德交好。簡言之，南斯拉夫以其實力與地位關係，已成巴爾幹半島之穩定勢力，因此各列強至今亦不得不見好於南斯拉夫也。

綜上所觀，今歐洲大陸各國，正在作主義上之爭鬪，以求其地位之確定，而獲相當之保障。實則此項爭鬪之結果，須視德國在波羅的海至巴爾幹半島勢力如何而定。由多腦河各邦觀之，歐洲有兩大勢力：一為顯著之勢力，即德國今日之威權，一為潛伏之勢力，即英國未來之軍備。目前德國之所以較勝英國者，以德之心力專注於一隅，故在中東南歐，暫占優越之地位耳。但英國之潛伏勢力，讀者仍不可忽。倘一旦英國在多腦河流域，決用武力以肆其政治上之野心，則英國仍可挾其勢力，以定該流域之命運。

一五〇

加拿大的外交政策

黃君碩